

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՉԵՐԲԱԿԱԼՎԱԾ ԱՆՁԱՆՑ ՊԱՇՏԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1578

14.09.2015թվ.

ՀՀ Ոստիկանության պետ,  
գեներալ-լեյտենանտ  
պարոն՝ Վ. Գասպարյանին

ՀԱՅԱՍՏԱՆԻ Հ ԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՉԵՐԲԱԿԱԼՎԱԾ ԱՆՁԱՆՑ ՊԱՇՏԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
Հարգելի պարոն Գասպարյան,

Դիտորդական խումբը սույն թվականի սեպտեմբեր ամսին այցելություն էր կատարել ՀՀ  
ոստիկանության Վայոց Ձորի ՄՎ Եղեգնաձորի ՁՊՎ և արձանագրվել էին մի շարք  
թերություններ և խախտումներ:

Թերություններ՝

1. Բուժսենյակում սպիտակեղեն չկար, իսկ բժշկական սավանթ կեղտոտ էր արնչպես նախորդ այցելության ընթացքում:
2. Ընդհանուր բուժսենյակում, հակահիգիենիկ վիճակ էր, կեղտոտ, թափթփված, քանի որ համատեղված էր հերթապահ ոստիկանի հանգստի սենյակի հետ:
3. Սանհանգույցում զուգարանակոնքը կտրված էր, իսկ զուգարանակոնքի ջրափեղանակն տարրայից ջուրը անընդմեջ հոսում էր:
4. Ընդհանուր ՁՊՎ-ն գտնվում էր շատ փոշոտ վիճակում:

USPS 4268  
18 09 2015

Խախտումներ՝

1. Դիտորդական խմբի այցելության նախորդ օրը ՁՊՎ-ում կազմակերպվել էր տեսակցություն Ա. Պետրոսյանի և նրա հարազատների հետ: Տեսակցության սենյակը ուսումնասիրելուց կարելի է հստակ ասել, որ վերջին երկու ամիսը դուրը չէր բացվել, անգամ մաքրություն արված չէր, քանի որ փոշու մեջ էր: Միանշանակ կարող ենք պնդել, որ տեսակցությունը համապատասխան սենյակում չէր կազմակերպվել:

6170  
17 09 15

2. Դիտորդական խումբը 25.05.2015թ-ին թիվ 2621/1543 գրությամբ դիմել էր Ձեզ և տեղեկացրել, որ դատաքննության նպատակով, կալանավորված անձանց ՁՊՎ են ընդունում գրությունների հիման վրա՝ օրենքի պահանջը անտեսելով: Միաժամանակ մենք տեղեկացրել էինք, որ խնդրի վերաբերյալ մենք դիմել ենք ՀՀ ԱՆ Դատական դեպարտամենտ և միաժամանակ խնդրել էինք Ձեզ, տվյալ օրենքի պահանջը կարգավորել՝ մինչ վերջնական պատասխան լինելը:


Բայց արդեն 4 ամսից ավել է, նշված հարցը ոչ մի կերպ չի կարգավորվել Ձեր կողմից: Ավելին՝ ներկայիս պահին նաև ՀՀ Քննչական կոմիտեի քննիչներն էլ որոշումներ չեն տրամադրում:

Արդյունքում՝ կալանավորված անձի դատաքննությանը, քննչական գործողություններին և այլ գործողություններին մասնակցելու նպատակով՝ ՀՀ ոստիկանության Վայոց Ձորի ՄՎ Եղեգնաձորի ՁՊՎ են ընդունվում և պահվում ապօրինի:

Խնդրում ենք ուսումնասիրել ներկայացված փաստերը և տալ մեկնաբանություն:

Հարգանքով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1-3455

<< 13 >> 10 2015թ.

Ձեր 14.09.2015թ. թիվ 2621/1578 գր.

### **«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին**

#### **Հարգելի տիկին Սահակյան**

Հայտնվում է, որ դիտորդների խմբի կողմից ս/թ սեպտեմբեր ամսին «Ոստիկանության Վայոց Ձորի մարզային վարչության Եղեգնաձորի բաժնի ձերբակալվածներին պահելու վայր կատարած այցելության ընթացքում արձանագրված փաստերն ուսումնասիրվել են «Ոստիկանության շտաբում, իսկ Վայոց Ձորի մարզային վարչությունում կատարվել է ծառայողական քննություն:

«Ոստիկանության Վայոց Ձորի մարզային վարչության կողմից կատարված ծառայողական քննության արդյունքում տրամադրված տեղեկատվության համաձայն տրվում են հետևյալ մեկնաբանությունները:

#### **Թերություններ.**

1. Դիտորդների խմբի այցելության պահին ՁՊՎ-ի բժշկական սենյակի մահճակալին սպիտակեղեն փոխված չի եղել, քանի որ նախորդ այցելության ժամանակ խմբի անդամների կողմից առաջարկվել էր դրանք փաթեթավորել պոլիէթիլենային տոպրակների մեջ և հանել միայն անհրաժեշտության դեպքում, իսկ բժշկական սավանը ամբողջությամբ նոր վիճակում դրված է եղել պահարանի մեջ, որը ՁՊՎ-ի վարչակազմի կողմից ցուցադրվել է դիտորդների խմբի անդամներին:

2. Ոստիկանության Եղեգնաձորի բաժնի շենքային պայմաններից ելնելով՝ ՁՊՎ-ի բժշկական և ոստիկանի հանգստի սենյակները համատեղված են և դիտորդների խմբի այցելության ժամանակ սենյակը եղել է մաքուր ու հավաքված վիճակում:

3. ՁՊՎ-ի սանհանգույցի զուգարանակոնքը կտրվել է դիտորդների խմբի այցելությունից մի քանի օր առաջ և հնարավոր չի եղել այն վերանորոգել՝ ՁՊՎ-ում անձինք պահելու պատճառով, իսկ զուգարանակոնքի ջրահեռացման տարայի ջուրը բացվել է ՁՊՎ վարչակազմի կողմից՝ հակահիգիենիկ պայմաններից խուսափելու համար:

4. Դիտորդների խմբի այցելության ժամանակ ոստիկանության Եղեգնաձորի բաժնի ՁՊՎ-ն գտնվել է մաքուր վիճակում

**Խախտումներ.**

1. Ձերբակալված Ա.Պետրոսյանին ՁՊՎ-ում գտնվելու ընթացքում սահմանված կարգով թույլատրվել է տեսակցել իր հարազատների հետ՝ դիտորդների խմբի այցելությունից մեկ օր առաջ: Տեսակցությունը կազմակերպվել է ՁՊՎ-ում պահվող անձանց համար նախատեսված տեսակցության սենյակում, որը դիտորդների խմբի այցելության ժամանակ եղել է մաքուր:

2015թ. 9-ը ամիսների ընթացքում ոստիկանության Եղեգնաձորի բաժնի ՁՊՎ-ում տրամադրվել են թվով 26 տեսակցություններ, որոնք կազմակերպվել են ՁՊՎ-ի տեսակցությունների սենյակում:

2. Հաշվետվության 2-րդ կետով նշված խախտման վերաբերյալ հայտնվում է, որ ՀՀ ոստիկանության շտաբը համապատասխան գրություն է հասցեագրել ՀՀ դատական դեպարտամենտի ղեկավարին՝ դատական ատյանների կողմից «Ձերբակալված և կալանավորված անձանց պահելու մասին» ՀՀ օրենքի 6-րդ հոդվածի պահանջները չպահպանելու մասին: Ներկայումս այդ հարցը գտնվում է քննարկման փուլում, իսկ ինչ վերաբերվում է այն հանգամանքին, որ քննիչներն էլ որոշումներ չեն տրամադրում, ապա խնդրվում է նման դեպքերը ներկայացնել փաստերով և ըստ կոնկրետ ստորաբաժանումների՝ ՀՀ Քննչական կոմիտե ներկայացնելու համար:

**ՀՀ ոստիկանության շտաբի ՀԾՎ**